



5. januar 2026

Inatsisartut suleriaasianni § 37 imm. 1 naapertorlugu Naalakkersuisunut apeqquteqaatit imaattut matumuuna saqqummiuppakka.

Naalakkersuisunut apeqqutit:

1. Qaqortumi mittarfissaq atulerpat kujataani qulimiguulimmik kiffartuussinerit ingerlaannassasut Naalakkersuisut qulakkeerusuppaat?
2. Qaqortumi mittarfissaq atulerpat nunatta kujataani innuttaasut angallannikkut kiffartuunneqarnerat ajorseriaateqannginnissaa qulakkeerniarlugu imaatigut silaannakkullu angallassinert ingerlaannarnissaat qulakkeerniarlugu Naalakkersuisut sulippat?
3. Nunatta kujataa eqqarsaatigalugu kiffartuussinissamik isumaqatigiissutit nutarternissaannut suliaq sumut killippa aammalu qaqugu isumaqatigiissut naammassineqarnissaa Naalakkersuisut naatsorsuutigaat?

(Inatsisartunut ilaasortaq Anders Olsen, Siumut)

Tunngavilersuut:

Upernaamut Qaqortumi mittarfissaq atulerpat illoqarfiit sinnerinut nunaqarfinnullumi angalaniaanni qulimiguulimmik inniminniisoqarsinnaangilaq. Nunatta kujataa eqqarsaatigalugu kiffartuussinissamik isumaqatigiissummik nutaamik suliaqartoqartussaavoq Qaqortumi mittarfissap atulerneqarnissaa pissutigalugu, maannalu ukiumut nutaamut mittarfissap atulerneqarnissaanut pivugut sulilu silaannakkut angallannikkut qanoq atugassaqartinneqassalluta annerusumik ilisimanatigu.

Kujataani innuttaasut toqqissisimangillat silaannakkut angalasinnaanerminnik maannamut periarfissaasinnaasunik sulii ersittoqanngimmat, naak sikorsuit qaammaterpassuarni imaatigut angalanianut periarfissaqartitsiunnaartaraluartut.

Aasamut sulinngiffeqarluni angalanissat piareersarneqarlutik aallartisaleruttoqput, taamaammat kujataani silaannakkut angallassinert qanoq pilersaaruteqarfigineqarneri piaartumik innuttaasut ilisimalertariaqarpaat.

Apeqqutigineqartut ullut suliffiusut qulit iluanni akeqquneqarput.